

# Rakgwebo o ahlololwa dilemo tse 5 tjhankaneng ka lebaka la boqhekanyetsi

**Tshwane, 6 Mphalane 2021** – Bekeng ena rakgwebo ya sebedisitseng di-invoese tsa mokunyata tsa lekgetho ho sebetsa palo ya Diphetho tsa VAT le Lekgetho la Ditjeo tsa hae o fumane kahlolo e tobileng ya ho hlola tjhankaneng ka lebaka la boqhekanyetsi.

Lekgotla la Lebatowa la Bloemfontein le mametse bopaki bo hlahosang hore Ntabe Trading & Projects CC le Mong. MJ Ntabe ba file dioditara tsa Ditshebeletso tsa Lekgetho tsa Afrika Borwa (SARS) ditokomane tsa tshehetso tsa mokunyata ka sepheo sa ho tshehetsa ditshebetso tsa bona tsa dipalo tsa VAT.

Lekala la Oditi la SARS le ile la etsa dihlahlobo tsa tlatsetso mme sena sa hlahisa hore SARS e lahlehetswe ke tjhelete e kana ka R1-million. Kgwebo ena e Kwetsweng ha e sa sebetsa mme ke Mong. Ntabe feela ya ileng a qoswa mme yena a ipona molato.

Diqosong tse 21 tsa boqhekanyetsi, Mong. Ntabe o ile a ahlololwa ho hlola tjhankaneng nako ya dilemo tse 8 tseo tse 3 tsa tsona di fanyehilweng nako e kana ka dilemo tse 5 ha feela e le hore moqusuwa ha a ahlololwe boqhekanyetsi bo bong ka nako ena ya phanyeho.

Khomishenara ya SARS Mong. Edward Kieswetter o hlokometse le ho hlobaetswa ke ho ata hona ha ditlolo tsa molao tsa VAT tseo esale di etsahala ho tloha kgale. “Ho na le dikhampani tse thehwang ka sepheo se le seng sa ho tla qhekanyetsa SARS. Kahlolo ena e tobileng ya ho hlola tjhankaneng e tlameha ho romela molaetsa o hlakileng hore SARS e na le bokgoni ba ho fokisa boqhekanyetsi le ho etsa hore dintho di be theko e hodimo bakeng sa ba etsang sena”. Ka tshebedisano le diakgente tse ding tsa phethahatso ya molao, SARS e tla tswela pele ho nka mehato kgahlano le bao ba etsang ditlolo tsena tsa molao.

Ho fumana lesedi le fetang lena, ka kopo ikopanye le SARS ho [SARSMedia@sars.gov.za](mailto:SARSMedia@sars.gov.za)